

lichir gebort, do nicht me en ist wen eyne freyheit, ut Inst. de iure personarum § I¹⁰⁴.

Nota. Auch sult ir wissin, das eyns iclichin mannes weip hot halbe buse vnd halb wergelt, dor vmme des mannes ere schonit sin weip, vnd adelt sy, vnd sy wirt sine genosynne, wen sy in syn bette trit¹⁰⁵, ut in aut. de consulibus § si autem coll. IIII¹⁰⁶, C. de nupcijs l. cum te¹⁰⁷.

All were daz weip wers adir bas geborn, dennoch were sy in syme rechte, dy wile her lebte, ut ff. de municipalibus l. filij § I¹⁰⁸. Daz eyne weip halbe buse vnd halb wergelt hot, das ist dorumme, das der man daz weip uortretin sal, vnd nicht daz weip den man, ut Inst. de iniurijs § defendi enim uxores a viris, non viros ab uxoribus <equum^h> est¹⁰⁹. Wen worumme weip mogin ane uormunden nicht / [Bl. 4v, Kolumne b] clagin, ut ff. de accionibus et inscripcionibus l. alij¹¹⁰, II q. I <c.> prohibentur alij accusare propter sexum¹¹¹, ut ff. de senatoribus l. femine¹¹², C. de dignitatibus l. mulieres¹¹³.

Nota. Das ander abir uon buse vnd uon wergelde sult ir uornemen noch der gewonheit. Byrgeldin abir, das sint czinslute vnd gebuyr, dy in eyne dorfe sitzin vnd czu eyns schultheisin ding gehorn, den gibt man funfczehin schillinge czu buse¹¹⁴. Das tut man ouch den, dy in dem lande varen¹¹⁵. Den laten abir gibt man xx schillinge vnd sechs pfennynge vnd eyne helbeling¹¹⁶; das beczeychint, das her nicht uolkomen ist an syner freiheit. Eyme tageworchtin gibt man czu buze czwene wollyne hantzkiu vnd eyne mistgabel¹¹⁷. Pfaffin kinden abir vnd den, dy vnelich geborn sin, gibt man eyne fuder hews czu buse¹¹⁸.

h) equum *Hs.*

104) *Inst.* 1, 3, 1.

105) *Vgl. Ssp.-Landrecht I 45 § 1 und III 45 § 3.*

106) *Nov.* 105, 2.

107) *Cod.* 5, 4, 10.

108) *Dig.* 50, 1, 22, 1.

109) *Inst.* 4, 4, 2 vorletzter Satz Mitte.

110) *Dig.* 48, 2, 9.

111) *C.* 2 q. 1 c. 14.

112) *Dig.* 1, 9, 8.

113) *Cod.* 12, 1, 13.

114) *Vgl. Ssp.-Landrecht III 45 § 4.*

115) *Vgl. Ssp.-Landrecht III 45 § 6.*

116) *Vgl. Ssp.-Landrecht III 45 § 7.*

117) *Vgl. Ssp.-Landrecht III 45 § 8.*

118) *Vgl. Ssp.-Landrecht III 45 § 9.*